



საქართველოს იუსტიციის უმაღლესი საბჭო

ქ. თბილისი № 1/148

“ 18 ” ნოემბერი 2020 წ.

გ ა ნ კ ა რ ბ უ ლ ე ბ ა

კ. ჩაგუნავას თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, კობა ჩაგუნავა 2020 წლის 1 დეკემბრიდან გამწესდეს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასაბუთება
კობა ჩაგუნავას თბილისის საქალაქო სასამართლოს
მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის 8 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 29 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის კობა ჩაგუნავაზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

კანდიდატის შესახებ მოძიებული ინფორმაცია:

კობა ჩაგუნავას აქვს სპეციალობით მუშაობის 8-წლიანი გამოცდილება. 2018-2019 წლებში იყო თბილისის სააპელაციო სასამართლოს მოსამართლის თანაშემწე (მთავარი კონსულტანტი).

კობა ჩაგუნავა იუსტიციის უმაღლესი სკოლის მე-14 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით კობა ჩაგუნავამ წარმატებით გადალახა სრული სასწავლო კურსის ყველა ეტაპი. გამოირჩეოდა პროფესიონალიზმითა და პრეზენტაციის უნარებით. ამასთან, იყო დისციპლინირებული მსმენელი, იცავდა სკოლის წესდებითა და შინაგანაწესით დადგენილ მოთხოვნებს.

სკოლაში სწავლის პერიოდში მას არ დაკისრებია დისციპლინური პასუხისმგებლობა.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ კობა ჩაგუნავას გაესაუბრნენ 21 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

კანდიდატის შეფასება:

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი კობა ჩაგუნავა შეაფასა კომპეტენტურობისა და კეთილსინდისიერების კრიტერიუმების მიხედვით.

კობა ჩაგუნავას კეთილსინდისიერების კრიტერიუმით შეფასებისას, საბჭოს შემფასებელმა 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა მიიჩნია რომ კანდიდატი არ აკმაყოფილებს კეთილსინდისიერების კრიტერიუმს.

საბჭოს წევრთა მიერ კობა ჩაგუნავას კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1280 ქულა, რაც ქულების მაქსიმალური რაოდენობის 85.33%-ია.

კენჭისყრის შედეგები:

2020 წლის 18 ნოემბერს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის მე-4 ვაკანსიაზე ჩატარებული კენჭისყრის შედეგად, რომელში მონაწილეობა საბჭოს 14-მა წევრმა მიიღო, კობა ჩაგუნავამ მოიპოვა 12 ხმა.

აღნიშნულ ვაკანსიაზე ბიულეტენში შეყვანილ იქნა 25 კანდიდატი, მათგან 1 მოქმედი მოსამართლე, 9 ყოფილი მოსამართლე და 15 იუსტიციის უმაღლესი სკოლის ყოფილი მსმენელი, კერძოდ:

- | | |
|---------------------------------|-----------------------------------|
| 1. ბებიაშვილი მიხეილ - 0 ხმა | 14. კოპალიანი კონსტანტინე - 0 ხმა |
| 2. ბერეკაშვილი ქეთევანი - 0 ხმა | 15. კოჭლამაზაშვილი არჩილი - 0 ხმა |
| 3. გიორგაძე ნინო - 0 ხმა | 16. მარშანია ნათია - 0 ხმა |
| 4. გოგატიშვილი ნინო - 0 ხმა | 17. მერაბიშვილი ნათია - 0 ხმა |
| 5. გოგოლაძე ირინა - 0 ხმა | 18. ნადოი რეზო - 0 ხმა |
| 6. დუგლაძე ქეთევან - 0 ხმა | 19. უბილავა გიზო - 0 ხმა |
| 7. ეპიტაშვილი თეონა - 0 ხმა | 20. ურთმელიძე თამაზი - 0 ხმა |
| 8. ესებუა ზვიად - 0 ხმა | 21. ფუხაშვილი მორისი - 0 ხმა |
| 9. ვატიტაძე გრიგოლი - 0 ხმა | 22. შოშიაშვილი მაია - 0 ხმა |
| 10. ზათიაშვილი ვერიკო - 0 ხმა | 23. ჩაგუნავა კობა - 12 ხმა |
| 11. ზვიადაძე გიორგი - 0 ხმა | 24. ხუსკივაძე ირაკლი - 0 ხმა |
| 12. კლდიაშვილი ლაშა - 0 ხმა | 25. ჯინჯოლია მიხეილი - 0 ხმა. |
| 13. კობახიძე ნანა - 2 ხმა | |

დასკვნა:

კანდიდატის - კობა ჩაგუნავას კეთილსინდისიერების (საბჭოს 14-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (წერისა და ზეპირი კომუნიკაციის უნარის, სამართლებრივი დასაბუთების უნარისა და კომპეტენციის, პროფესიულ თვისებების) კრიტერიუმების გათვალისწინებით, კენჭისყრის შედეგების საფუძველზე, სხვა 24 კანდიდატთან შედარებით უპირატესობა მიენიჭა და შესაბამისად, თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე 3 წლის ვადით განწესდა კობა ჩაგუნავა.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

